







	
登記號	2408
類別	
分書	品 2 册


國家圖書館, NATIONAL CENTRAL LIBRARY, TAIWAN, R.O.C.



1 x 083117




國家圖書館, NATIONAL CENTRAL LIBRARY, TAIWAN, R.O.C.






目前自見而今之備煉者  
溺乎淫想服食燒煉  
成御女之左道而生  
于上



國立中央圖書館, NATIONAL CENTRAL LIBRARY, TAIWAN, R.O.C.






序

辰於於廣漢之

之有信招黃雀之可招小

時偶得趙榮孫仙苑編珠

滕國為人多德於緇流黃  
冠張伯雨其一也真以博雅為  
當時名公所推非若丘長春  
筆專以修鍊為事也此編  
乃趙子為受之於伯雨者豈  
較之仍當藏諸華陽之良



TIFFEN Color Control Patches © The Tiffen Company, 2007

Blue Cyan Green Yellow Red Magenta White Black


3/Color

常館是為珠量合浦耳

董其昌跋



本乃王松年所撰張伯雨  
遺上下千古帝王之尊山澤  
之矍燦然合軌得是書而印  
焉迴照本來面目覓自己本  
象元辰是龜臺如陟而孝核  
後生也願于紅塵五濁而捐



朱玉一輪不將賊爰居乎善  
手許都僂之為教曰淨明忠孝  
而學旨明德本先孝弟吾儒  
亦津之言之則安見人道邇  
僂道遠也夫道一而已矣學  
者宜不作二觀

萬曆乙卯澄觀道人朱國盛  
書於拜山齋





僊苑編珠 并序

天台山道士王松年撰

松年竊詳三古之前百王之後修真學道證果成仙者何代無人抱朴子云秦大夫阮倉所記有數百人劉向撰列仙傳止於七十一人葛洪復撰神仙傳有一百一十七人松年伏按登真隱訣及元始上真記道學傳自開闢以來皆是聖帝明王作神仙宗為造化祖何者如盤古為元始天王天皇氏為扶桑大帝伏羲氏為青

國家圖書館, NATIONAL CENTRAL LIBRARY, TAIWAN, R.O.C.



祝融氏為赤帝軒轅氏為黃帝少昊氏為白帝  
顓頊氏為黑帝至於高辛唐虞夏禹周穆漢文  
竝在仙籍松年又尋真誥樓觀傳靈驗傳八真  
傳十二真君傳近自唐梁已降接於聞見者得  
一百三十二人伏以誥傳文繁卒難尋究松年  
輒敬蒙求四字比韻撮其樞要箋註於下目為  
仙苑編珠謹序


至治元年十一月九日余過杭州車橋寓

舍羽士張伯雨携以書見訪即借觀乃惠

然不我吝是使獲觀列仙於千古之下也

曷勝感佩謬志以留間玩

趙氏  
子昂



化身爲珠

儂苑編珠



松雪齋

大道自然混沌之先

**道經**云有物混成先天地生寂兮寥兮獨立

不改周行不殆可以為天下母吾不知其名

字之曰道**莊子**云夫道有情有信無為無形

神鬼神帝生天生地太極之先而不為高


在六極之下不為深先天地生而不為久長

於上古而不為老

一氣凝化盤古生焉

山苑編珠

NATIONAL CENTRAL LIBRARY, TAIWAN, R.O.C.





仙苑編珠

仙苑編珠



松雪齋

大道自然混沌之先

**道經**云有物混成先天地生寂兮寥兮獨立

不改周行不殆可以為天下母吾不知其名

字之曰道**莊子**云夫道有情有信無為無形



神鬼神帝生天生地太極之先而不為高

在六極之下不為深先天地生而不為久長

於上古而不為老

一氣凝化盤古生焉  
山苑編珠

國家圖書館 NATIONAL CENTRAL LIBRARY, TAIWAN, R.O.C.



元始上真記云昔二儀未分溟滓濛澗日月未具狀如鷄子混沌玄黃乃有盤古真人天地之精自號元始天王遊乎其中天形如巨蓋上無所係下無所根玄玄太虛無響無聲元炁浩浩如水之形若無此炁天地不生天地既分相去三萬六千里元始天王在天脊膺中住名曰玉京山山中有宮殿柱金玉常呼吸天炁俯飲地泉忽生太元玉女在石間出能言人形具足天姿絕妙號曰太元聖母

元始君下遊見之乃招還上宮

天皇東立王母西旋

自元始天王太元聖母還上宮之後經一切乃生天皇氏治世三萬六千年受書為扶桑大帝居東極扶桑宮為東王公今世間皇太子居東宮象此也又生九光玄女號曰太真西王母居西極崑崙山故曰木公金母天地之尊神也

伏羲八卦軒后五篇



莊子云伏羲得道以襲氣母書云伏羲治世感神龜負圖而出乃畫八卦造書契得道為東方青帝莊子云黃帝得道以登雲天經軒轅黃帝登峨嵋山遇天真皇人授以靈寶五符治世三百年乃鑄鼎荆山鍊丹丹成有黃龍下迎群臣同昇者七十二人以符藏於苑委山

顓頊元輦帝嚳龍軒

道學傳云顓頊高陽氏乘結元之輦北巡幽

陵南巡交趾西巡游沙東巡蟠木山水之神動植之類日月所照莫不屬焉周旋八外諸有洞臺之山陰宮之丘帝台四海神使運安息國天市山寶王封而鎮之鑄羽山銅為寶鼎各獻一所於有洞之山莊子云顓頊得道以處玄宮帝嚳高辛氏感九天真王三天真皇乘九龍雲輿降牧德之臺授以靈寶五符帝用之得道後封此符於鍾山

虞舜得藥夏禹導川



真誥曰虞舜感北戎長胡大王獻白銀之霜  
十轉紫華服之而成仙吳越春秋云禹平洪  
水其功不就乃棄黃帝中經聖人所記在乎  
九山東南號曰苑委承以文玉覆以盤石其  
書金簡青玉為字編以白銀禹乃南巡登衡  
山血白馬以祭不幸所求乃仰天而歎因夢  
赤繡衣男子云欲得我治水之方御龍之術  
可齋乎黃帝之嶽峻巖之下金簡之書在矣  
禹乃退齋李庚之日登苑委之山發石果得  
金簡王書用以治水鑿龍門通百川天下有  
賴其功大矣今道門靈寶五符即此書也其  
探符處在會稽山禹穴是也

老君無極錢祖長年

孔子曰竊比我於老彭葛仙公云老子體自  
然而然生乎大元之先起乎無因經歷天地  
終始不可稱載終乎無終窮乎無窮極乎無  
極也又云世人謂老子當始於周代老子之  
號始於無數之初其杳杳冥冥渺邈久遠矣



化形錄  
莊子疏云彭祖姓篋諱鏗顛頊玄孫善養性  
能調鼎進雉羹於堯封於彭城其道可祖故  
謂之彭祖神仙傳列僊列竝云歷夏經殷七  
百六十歲而不衰老後西之游沙莫知其終  
也故羅隱碑文云水運降靈始分輝於玄帝  
仙源啟祚乃襲慶於彭墟星辰浮濮渚之陽  
雲鶴度游沙之境也


廣成高臥尹喜精研

莊子云黃帝詣崆峒山謁廣成子問以理身

柰何廣成子曰善哉問乎吾語汝至道之精  
杳杳冥冥至道之極昏昏默默無視無聽神  
將自正無勞汝形無搖汝精乃可長生故我  
修之千二百歲矣而形未嘗衰本起傳并西  
昇經竝云關令尹喜受老子道德五千言精  
研萬遍於蜀郡青羊肆隨老子白日昇天遊  
四海登三清下化八十一國焉

盧敖遊海若士沖天

神仙傳云盧敖者燕人也秦時遊北海至于



蒙谷之山見若士焉方迎風而舞顧見教曰  
吾與汗漫期於九陔之上不可久乃諫身入  
雲中

赤松行兩竈封隨烟


列仙傳云赤松子者神農兩師也服水玉以  
教神農能入火隨風兩上下高辛時渡為兩  
師今之兩師復是焉竈封子者為黃帝陶正  
有人能出五色烟以教封封乃積火自燒隨  
烟上下焉

黃山數百白石三千

神仙傳云黃山君者修彭祖之術年數百歲  
猶有少容也白石先生者中黃大夫弟子也  
至彭祖時年已三千歲矣嘗於白石山煮白  
石為糧故號白石先生

瑤水周穆槐山倭佺

列子云周穆王乘八駿日行萬里至於崑崙  
之山與王母宴於瑤池王母唱白雲之謠王  
和之也列仙傳云倭佺者槐山采藥人也好





食松實形體生毛長數寸兩目正方能飛行  
逐走馬

醫龍師皇釣魚寇先

列仙傳云馬師皇者黃帝馬醫也有龍下向  
之張口皇曰此龍有疾乃針其脣下以甘草  
湯飲之而愈後數數有龍出陂告而治之一  
旦乘龍而去寇先者宋人也以釣魚為業得  
魚或賣或放或自食好種薜荔食其葩實宋  
景公問其術不告遂殺之數年後踞宋城門


鼓琴而去

弄玉鳴鳳蕭史同仙

列仙傳云蕭史者秦穆公時善吹蕭能致孔  
雀白鸚鵡公有女曰弄玉好之公遂妻焉教  
弄玉作鳳鳴鳳止臺上一旦乘鳳同去

李文黃白沈太紅泉

神仙傳云沈文太者九疑人也得紅泉神丹  
去土符還年返命之道徵之崑崙駐安心二  
千餘年以傳於李文淵以竹根汁煮黃丹并



黃白術去三尸法出此二人集

宋倫遊空葛洪兀然

**樓觀傳**云宋倫字德玄年二十二日誦五千文服黃精白朮感老君降中景之道通真之經倫行之壁巖中步日行三千里凌波涉險不由津路也**道學傳**云葛洪字稚川讀書萬卷求勾漏令意在丹砂著內外篇凡一百一十六篇碑誄詩賦百卷檄章牋表三十卷神仙傳十卷良吏傳十卷隱逸傳十卷集異傳十卷抄五經史百家之言方伎雜字三百一十卷金匱藥方百卷肘後要方四卷年八十一兀然若睡而蛻

鄭遠養席滄子剖鮮

鄭思遠葛洪之師也嘗於山巖間收得席子兩頭其母已死若餒飼之長大俄有一雄虎來庵前乃二席之父也三虎出入相隨馳藥囊經書隱於括蒼山仙去列仙傳云滄子齊人餌朮三百年釣於荷澤得鯉魚剖之腹內



得符能致雲雨

少翁拜山宋萊掃市

真誥云昔婁少翁入華山中拜山二十年遂一旦見西嶽仙人授以仙道也楚莊公時市長宋萊子恒洒掃一市忽遇一乞食公唱歌萊子知是仙人乃隨之積十三年遂得仙道為中嶽仙人

永伯七星玉遙篋子

神仙傳云陳永伯得七星散方服之二十八日忽不知所在有兒年十一服之二十八日亦不知所在本方云服之三十日自得仙去王遙字伯遠與人治病無不愈者竝不用針藥但令坐一布帕上須臾自愈有一竹篋子長數寸有一弟子姓錢忽一夜大雨命弟子以九節竹杖擔此篋子雨中行李不濕登山入一石室中中有二人同坐遙發篋子取玉舌簧三枚三人對鼓之良久收簧內篋中却擔迴二人謂遙曰早來莫久戀人間後百餘





日遙復自擔篋子一去不復還後三十年弟子見在馬蹄山也


介君竹杖左慈木履

**神仙傳**介象字元則會稽人甚有道術吳太帝禮重之使作變化種瓜果皆立生可食帝思鱷魚鱠象於殿庭作一方坎著水象垂釣於坎中得魚帝曰蜀豈不可得象曰請差人買與五百錢象書符置竹杖中令人騎之閉目唯聞風聲到蜀買薑迴厨人切繪未了

左慈字元放有道術孫策欲殺之驅於前慈著木屐竹杖徐徐而行孫公奔馬追之常相去百步後曹公殺之唯見一束草也

老父光白郟都氣紫

**神仙傳**漢武帝東巡見太山下父老頭上有白光高數尺帝問之老父曰臣年八十五時衰老有道士教絕穀服水飲水并作神枕用藥三十二味臣今年一百八十矣日行三百里剡子都漢武帝出遊見其頭上有紫氣高



文餘問之對曰臣今已年一百三十八所行者彭祖之道也帝傳之不能行子都年二百餘歲服朮白日昇天

河上傳經漢文得旨

葛仙公云河上公者莫知其姓名也漢孝文皇帝時結草為庵于河之濱常讀老子道德經文帝好老子之言有所不解數句遣使門不告帝親詣問之普天之下莫非王土率二之賓莫非王臣子雖有道由朕民不能自屈何乃高乎朕足使人富貴貧賤須臾河上公乃拊掌坐躍冉冉在虛空之中去地數十丈而荅帝曰余上不至天中不累人下不居地何民之有陛下焉能令余富貴貧賤帝乃稽首禮謝河上公遂授注解道德經二卷與文帝

妻政變化墨子朱英

神仙傳妻政治墨子五行記服朱英九年八百餘歲色如童子能化一人為百人百人為



千千人作萬能立起風雲步行水上令水中  
魚龍盡上岸能口吐五色氣方十里上連天  
能騰身虛空無所不至墨子名翟宋大夫也  
著書曰墨子善戰守之具巧與公輸班較機  
變以雲梯不足攻宋而止後入狄山中學道  
有神人授 翟朱英丸方通靈五行變化凡  
二十五卷因遊五嶽不知其終也

孫博同道班孟異名

**神仙傳**孫博治墨子五行術能令草木金石  
人物盡成猛火他人以水沃之終不滅須博  
自止之乃滅物皆如故不焦又能引數百衆  
步行水上不沾不沒或希席坐於水上飲宴  
作樂又能從石中來去後入林慮山合丹仙  
去班孟者是女子能飛行坐空入地飛屋瓦  
指地成井能含墨噴紙成篇章飲酒餌丹四  
百餘歲後入天台山去

王緇二氣章震五行

**神仙傳**天門子姓王名綱善補養之法行玄






素之道年一百八十歲有童女之色乃服珠  
體仙去入玄洲章震者王子也師桑子精於  
五行之意以養性治病消災立起風雲雷雨  
化草芥瓦石為六畜龍虎能分形為數百千  
人步行江海能噴水成珠玉不變能九泥為  
馬日行千里能吐五色氣能投符召魚鼈能  
使人見千里外物能咒水治病立愈入崆峒  
山合丹白日昇天

九靈却禍北極貴精

神仙傳九靈子姓皇名化得還年却老胎息  
之道又得五行之要能辟五兵虜狼伏千殃  
消萬禍專行此道大得其效在人間五百歲  
服丹仙去北極子姓陰名恒得保神養性貴  
精之道其要曰以金冶金謂之真以人治人  
謂之神後服神丹仙去

太陽華髮絕洞長生

神仙傳太陽子者姓離名明得王子之道好  
酒恒醉王子責之對曰晚學性剛俗態未除



故以酒誦其驕慢耳善修五行之道在人間  
五百年肌膚光潤面目輝華而鬢髮皓白也  
著七寶之術深得甚要服丹而仙絕洞子者  
姓李名修其術曰弱能制彊陰能弊陽常若  
臨緩履薄長生之道也年四百歲顏色不衰  
著書三十篇服還丹而仙


陽女得妙陰女亦成

**神仙傳**太陽女姓朱名翼增益五行之道其  
驗甚速年二百八十歲奉絕洞子丹成昇天

太陰女姓盧名金好玉子之道未得其妙乃  
當爐沽酒遇太陽子過之遂教以補養之術  
蒸丹之方服而仙去

伯真心正季道天青

**真誥**云姜伯真行道采藥遇仙人使平立於  
日中其影偏仙人曰子心不正因教以日出  
三丈時披心向日覺心中暖即正也伯真旦  
旦行之得道也徐季道學仙遇神仙教云子  
欲學道當中天青誥天曆躡霞白徊二赤也



行之得道

劉安接士八仙降庭

神仙傳淮南王劉安好道聞有術之士不遠千里卑辭厚禮以迎之特感八仙降焉一人能坐致風雨立起雲霧一人能束縛犀豹台致蛟龍一人能分形易貌坐在立止一人能乘虛步空越海凌波一人能入火不灼入水不濡一人能千變萬化恣意所為一人能防災度厄長生久視一人能煎泥成金凝汞為

銀也

丁鶴人語蘇鹿牛形

飛天仙人經云丁令威七歲入山求道千年化鶴歸鄉下華表柱頭歌曰我是昔日丁令威學道千年今始歸也蘇君傳蘇耽者郴州人也小時牧牛牛化為白鹿潯道後歸鄉駐牛脾山上州縣官吏同往禮謁日暮君展黃庭經化為大橋直跨城門官吏居於潛天目山學道蟬蛻之後依俗禮葬之數年中忽有





紫雲蓋山訇然如雷庭之聲鄉人往看見棺  
版飛空上片落南村今為上版村底版落北  
村今為下版村兩邊版同在一處今為版同  
村因此昇天也

遇藥朱璜盜術女丸

列仙傳朱璜廣陽人病毒瘕道士阮丘與七  
物藥日服九九百病愈教以誦黃庭經隨丘  
入浮陽山八十年鬚髮俱黑仙去女丸者陳  
市上沽酒婦人也仙人過之寄素書五卷丸

乃盜寫其父得養性之遺不衰不老棄家而  
去不知所之

帝生止兩方回印闕

列仙傳平常生者登橋而還也

大足地黃唐鳳石蜜

神仙傳大足服地黃得道唐鳳服中嶽石蜜  
得道

墨容黃連羨門青寶

神仙傳墨容公服黃連得道羨門子服甘菊



青寶散得道

三老鍊氣四皓餌漆

**神仙傳**長陵三老服陰鍊氣乃得成道又云  
南山四皓服九加散餌漆得道

紗真入洞暨瑛飛棺

**道學傳**女真錢紗真幼而學道居句曲洞山  
年八十三誦黃庭經數滿乃與親友告別服  
黃白色藥了乃入燕洞經宿明晨女冠道士  
執往觀之忽聞洞有雷霆之聲見龍鳳之事  
自西北而來載以昇天也暨瑛瑛歲色如桃  
花如十七八人也得神丹仙去太陰女者姓  
盧名金好玉子之道未得其紗乃當壚沽酒  
遇太陽子過之遂教以補養之術蒸丹之方  
服而仙去

玄女行厨南極通靈

**神仙傳**太玄女者姓顓名和少嬰夫乃學道  
治玉子之術坐置行厨變化無所不至南極  
子者姓柳名融能含粉成鷄子如真絲呪杯



成龜覽設呪水成美酒服雲霜丹仙去

奉林閉氣周君誦經

**真誥**云婁奉林者學道於嵩山積四百年能氣三日不息服黃連以致不死也周君兄弟三人學道於常山中九十七年遇老人數死復生在穀城鄉忽大水出所害非一生乃登缺門山大呼言常生在此雨水五日必止如其言後數十年復為華陰門卒方回者竟時隱人也鍊食雲母夏啟耒為宮士為後所劫周君獨不看數滿萬遍翻然冲天二弟為看鹿經忽火起焚之不得冲天為心不定也

仇生木正子先竹竿

**列仙傳**仇生者湯時為木正食松脂自作石室仙去周武王幸其室而祠之呼子先者卜師也壽百餘歲夜有仙人持竹竿至呼子先乃與酒家姬各騎一竹乃龍也上華陰山仙去

朱仲馭珠任光賣丹

山危高末





列仙傳 宋仲會稽人常在市上販珠 高后  
時求三寸珠仲獻之賜五百金魯元公主私  
以七百金仲獻四寸珠景帝時復獻三寸珠  
數十枚而去不知所在任光者上蔡人善餌  
丹賣於都里間趙簡子聘之於柏梯山三世  
不知所在

牧豕商丘鑄冶陶安

商丘子胥者高邑人好牧豕吹竽服術菖蒲  
飲水不飢不老人世世見之三百年不知所  
之陶安公者六安鑄冶師也一旦火散上紫  
色衝天須臾朱雀止冶上曰安公與天通七  
月七日迎汝以赤龍至期赤龍到六兩安騎  
之而昇天

黃真武陵劉阮桃源

傳云漁人黃道真武陵人掉漁舟忽入桃源  
洞遇仙劉晨阮肇剡縣人也采藥於天姥岑  
迷入桃源洞遇諸仙經半年却歸已見七代  
孫子



初平松脂鳳網花卉

**神仙傳**皇初平丹谿人也年十五家遣牧羊  
遇道士將入金華山四十年其兄初起尋之  
相遇問羊云在東山往看盡是白石初平叱  
之悉化為羊兄弟二人共服松脂茯苓至萬  
日坐在立亡同昇天初平改姓赤氏號松子  
初起號赤須子今婺州赤松觀是其地也鳳  
網者元陽人也常采百草花水漬濕封埋之  
百日丸之死者以一丸內口中立活網服藥

不老仙去

呂恭遇仙沈建寄婢

呂恭字文敬少好服食於太行山採藥忽見  
三仙人曰子好長生乎吾一人姓呂字文起  
公與吾同姓合得長生乃隨仙人去經二日  
遂授祕方一首曰汝隨吾二日已二百年也  
乃還鄉已見十餘代孫呂習者作道士淨法  
拜迎遂傳其方其家世世無看老者皆得  
仙去沈建者丹陽人得導引服食之術凡有




病者見之即愈嘗遠行寄二婢三奴一驢十  
羊各與藥一丸經三年粒不飲食建既還乃  
各與一丸藥喫飲食如故建乃舉身飛行或  
去或還三百年後不知所

華生易皮樂長童子

**神仙傳**華子期者師角里先生得靈寶隱方  
合而服之日行五百里力舉千斤每一歲十  
度易皮後乃仙去樂子長者齊人也遇霍林  
仙人授巨勝赤松散方曰蛇服成龍人服成

童子長服之年百八十歲色如少女妻子九  
人皆服之老者少壯者不老登勞盛山仙去  
叔卿不臣伯陽示死

**神仙傳**中山衛叔卿服雲母得仙漢武帝閑  
居殿上忽見一人乘雲駕白鹿集於殿前帝  
驚問為誰答曰我中山衛叔卿也帝曰子非  
我臣乎叔卿不對忽失所在也帝甚悔恨魏  
伯陽吳人也入山作神丹將三弟子一白犬  
丹成飼犬犬死乃自服又死一弟子姓虞服






之亦死二弟子棄之而出伯陽乃起將服丹  
弟子并白犬而去逢樵人乃作書寄鄉里并  
二弟子伯陽作參同契五相類凡二卷盡神  
丹之旨也

方朔歲星傳說箕尾

**登真隱訣**云東方朔字曼倩任漢武服神丸  
至宣帝時棄官於會稽賣藥後昇為歲星又  
莊子云傳說得道以相武丁奄有天下乘東  
維騎箕尾而比於列星

沈羲三軍安世二士

**神仙傳**吳郡沈羲學道於蜀但能消除災除病  
救濟百姓功德感天因與妻共載路逢白鹿  
車青龍車白帟車騎後皆朱衣執矛伏劔告  
羲曰君有功於民黃老今遣仙官下迎有三  
仙人以白玉版青玉界丹玉字授羲遂載昇  
天陳安世為灌叔本客每行見鳥獸皆下道  
避之未常殺物年十三叔本好道忽有二仙  
人化為書生詣叔本叔本不悟待之不至乃



仙苑類函  
謂安世曰汝好道可教乃與藥二丸服之不  
復飲食叔本乃反師之安世臨昇天乃傳其  
道叔本亦仙而去


八百歷代李阿丐布

神仙傳李八百蜀人莫知其名時人計其數  
已八百歲故呼之遊行不定知唐公房可教  
乃託瘡痕試之百藥不可云須人舐之房乃  
令二婢舐之不可房乃自為舐之不可又令  
妻舐之云須得美酒三斛浴之浴訖體如凝

脂遂令公房并妻三婢竝入酒中浴之絃顏  
如童子乃以丹徑授公房房合服仙去李阿  
者蜀人世世見之不老常乞食於市有古疆  
者常隨之疆時年十八見阿如五十許人至  
疆年八十餘阿亦如故忽告人曰崑崙台吾  
當去遂不復還也

犢子易兒桂父變容

列仙傳犢子者鄴人服松子茯苓百年時時  
壯時老時好時醜忽牽一黃犢來過沽酒陽



都家女悅之隨犢子出取桃李味皆甘美邑人伺而逐之共牽黃犢耳而走不能追也數十年見在潘山下冬賣桃李也桂父者象林人色黑時白時黃時赤常服桂并葉以龜腦和之十九至今荊州南有桂丸也一旦飄然入雲而去

務光蒲葢阮丘薤蔥

務光夏時人耳長七十好琴服蒲葢根湯謙天下不受負石身投壑水以自溺沒四百年至武丁時復見也阮丘者岨山上道士被髮耳長七寸口中無齒日行四百里常種薤蔥百餘年人不知之

赤芥餌丹毛女餐松

赤芥者巴戎人也為碧鷄祠主簿餌丹與消石服之三十年反如童子毛髮生皆赤掌中履赤芥文烏華山中毛女字玉姜自言秦宮人避難入山道士教食松葉遂不飢寒身生綠毛也





王喬控鶴陵陽釣龍

王喬字子晉好吹笙作鳳鳴道人浮丘公接  
上嵩山三十年後以七月七日於緱氏山控  
鶴冲天仙經云仙位為侍帝晨領五嶽司桐  
栢真人治天台金庭洞陵陽子明者好釣魚  
釣得白魚腹中有書教服食法遂上黃山采  
五脂服之三年龍來迎上陵陽山也

俗父瓜子騎鳴守宮

俗父者南郡人居山間仙人來買瓜教以練

瓜子與桂附芷實共藏至春分食之二十餘  
年能飛行也騎龍鳴者渾亭人年二十於池  
中求得龍子狀如守宮者千餘頭養飼草廬  
以守之龍長大稍稍而去後五十年水壞其  
舍而去一旦騎龍來至渾亭

李主長安辛玄吳越


道學傳司馬李主實卜於長安市時宋忠賈  
誼為中大夫見之謂曰先生業何早乎對曰  
夫向無飢寒之累外無劫奪之憂處上無殺



居下無害斯君子之道也鳳皇不與燕雀為  
群公等何知後宋忠祗罪誼感結也竟不知  
季主所在豈真隱訣云受西靈劍解之法在  
委羽山大冢官服明丹之華邑扶晨之暉兒  
如女子鬢長三尺也辛玄子好遊山志願憑  
子晉以昇虛侶陵陽以步玄故名玄子字延  
期有序云西王母見苦行北鄴帝隱道心於  
今二百年矣而大帝且令領東海侯為吳越  
神靈之司未得振翠衣於九霄舞雲翔於十  
方也

許邁山林龍威洞穴

真誥云許邁小名阿映道學傳云志在往而  
不返故自改名遠遊弱冠詣郭璞筮告曰君  
元吉自天宜學昇遐之道乃師鮑靚後與同  
志東遊名山餌木斷穀能閉氣千息初止桐  
廬新城臨安所在作樓閣開後門上山采藥  
經月不返每言映好山林猶魚得水也真誥  
云師王龍服玉液朝腦精也龍威仙人者包




山得道人也莫知其姓號曰隱居吳王闔閭  
餐包山令隱居極洞穴之源乃入洞經百七  
十四日而返云約行七十餘里忽見千逕百  
路處處如一有金城玉屋閭爾無人城門牌  
曰天后別宮玉房之中有一卷赤書拜而取  
之以為信既出以示吳王乃夏禹所藏靈寶  
五符也

賢安甘草伯玉松屑

魏夫人傳夫人字賢安少多疾清虛王真人

告曰夫學道先去病除疾五藏充盈肌澤髓  
滿耳目聰明乃可修習因授甘草丸方按而  
服之百病悉愈後得道為南嶽上真司命紫  
虛元君也褚伯玉錢塘人也年十六家為娶  
婦婦乘車而入先生踰垣而出隱於天台中  
峯二十年樵人見之在重巖之下顏色怡怡  
左右唯有松屑二叢由是遠近知之齊高帝  
徵之不起乃移居大霍山仙去

神丹馬明方術葛越





神仙傳馬明生臨淄人也本姓和字君賢少  
為賊所傷在路遇神人與藥救之再生乃師  
安期先生因遊天下勤苦備經遂授與太清  
金液丹經入山修鍊藥成未樂昇天乃服半  
劑為地仙展轉九州五百餘年乃白日昇天  
葛越者號黃盧子有病者千里寄名與之皆  
愈禁虎狼百蟲飛鳥皆不得動使水逆上一  
二里天下大旱能召龍致雨力舉千斤行逐  
奔馬上有五色氣高丈餘年二百八十歲一

旦乘龍而去

嘯父乘火師門發煙

列仙傳嘯父者少比曲周市上補履人不知  
年幾唯見不老有人求其術不告也唯梁母  
得其作火法因上三亮山與梁母別乘數十  
炬火而昇天也師門者嘯父弟子也得火術  
好食桃李花為夏孔甲龍師孔甲殺而埋之  
一旦風雨迎去而山林間煙火自發也

偉道心定黃觀試全




真誥云金偉道者學仙在嶧嶠山十二年仙人試之以石重十萬斤以白髮懸於空中使偉道臥於下偉道心定無疑臥其下十二年遂賜神丹白日冲天黃觀子者少好道朝朝禮拜求長生積四十九年後入隰山中仙人以百四十事試之皆全遂得金丹而誦大洞真經白日昇天

子主傭雇瑕丘棄捐

列仙傳子主者楚語而細音詣江都王言甯

先生雇我客作三百年問甯先生所在云在龍眉山上遣使往見先生毛身廣耳被髮鼓琴謂曰子主是吾比舍九世孫也瑕丘仲者甯人也賣藥於甯百餘年忽地動舍壞數十家屋臨水皆敗仲死人取其尸棄於水中收其藥賣之仲乃被裘詣之取藥棄仲尸者叩頭求哀仲曰吾恨汝使人知我耳吾去矣後却為<sup>列</sup>驛使來至甯北方謂之謫仙人也陰生丐乞酒客萬錢



陰生者渭橋下乞人也常於市中乞市人厭  
之以糞酒之衣且不汗長吏試收繫之以桎  
梏而後在市中乞俄而酒糞家屋自壞故人  
歌曰見乞兒與美酒以免破屋之咎酒客者  
梁市上酒家釀酒人也酒美日收萬錢酒客  
佯作過失酒家逐之而酒酸敗賈人多以女  
迎之或去或來首餘歲却來為梁丞教民種  
菜云三年當大飢果如其言忽解印綬而去  
焉

王質柯爛徐公醉眠


**傳**云王質者西安鄉里人也性頗好棊因入  
山採樵見二仙人於石橋下棊質乃以斧柯  
磬坐觀棊局終乃起斧柯已爛歸家數百載  
今衢州爛柯山是也徐公者金華鄉里人也  
入山見數人道士飲酒乃與公一杯飲訖醉  
臥覺來見其地成一湖水歸家已數代孫子  
至今金華山中有徐公湖也

商仙游火大一浮蓮





云商丘開者晉人也幼好道居姑射山能蹈  
水火而身不焦溺或救覆舟或嚙水而滅大  
火善丹青然身常貧客隱范氏家諸客見商  
丘開莫不狎侮欺詒范氏一朝家大火諸客  
莫能救商丘開獨入火取錦往還埃不漫身  
不焦火大熾而復對諸客嚙水即滅衆方疑  
其神人慙謝於商丘開後入嵩山不出又太  
一者漢遺史云武帝元狩中有日者奏太一  
星不見時帝召東方朔問其由朔奏曰是星  
不見則遊於世為若民福壽帝又問何以驗  
焉朔奏曰陛下使人於巽方江海之濱設禮  
祭而迎之或乘舟或控鶴特異於世人者則  
為驗見則斫竹建壇醮謝上帝帝如朔奏而  
迎之是月果有會稽郡守奏海中有一人了  
角面如玉色美鬢髯裸身而腰蔽榭葉乘一  
葉紅蓮約長丈餘偃臥其中手執一黃書自  
東北浮來臣等焚香迎拜俯及百步俄為雲  
露所遮後霧散而不知所之遺其黃書飄至




岸側獲之畧不濡濕其字光明皆天篆也莫  
有識者遂進帝帝令朔驗之曰此上界火珠  
經也或曰連珠

李生服玉桂子癩痊

李生者名仲甫豐邑中陽人也學道於弘農  
王君得服玉法行遁甲隱飛步斗術年百餘  
歲每與客對語但聞聲而不見其形後入西  
嶽不復出又桂子者不知名任徐州刺史病  
癩十餘年衆醫不愈冥心念道後遇道人于  
君使休官為于君後者養馬三年心不退君  
與其丹及書一百五十卷桂服之癩愈年百  
九十歲色若童子自貨藥於成都復歸西岳  
不出

方平道蔡子玄師涓


神仙傳王遠字方平得道在太尉陳眭家三  
十餘年一旦託形蟬蛻後東入括蒼過胥門  
蔡經家知經看仙兮遂告以要言而去經亦  
蟬蛻蛻後十年却還家以七月七日主君後



來神仙音樂儀仗羽蓋雲車排空而至王君  
既坐遣人召麻姑姑既至各進行厨金盤玉  
杯肴饌多是諸花香氣聞於外擘脯而行  
之云是麟脯也麻姑自叙接待已來見東海  
三為桑田適來蓬萊水乃淺一半也當復為  
陸地乎酒盡乃命使者往餘杭阿母求酒使  
迴得一壺五斗許麻姑鳥爪經心中云好爬  
背聞室中行鞭鞭經背也蘇君傳云君字子  
玄初師琴高又師仇先生授以松脂方云吾  
服已二千七百歲也後師涓子授以制尸蟲  
方行三一之道守泥九九宮之要以漢元帝  
神爵二年三月六日乘雲駕龍望西北而升  
天為玄洲上鄉矣涓子即剖魚獲字者

三茅弟兄二許子父

登真隱訣云大茅君字叔申年十八入恒山  
學道師西城王君詣龜山得九轉還丹至漢  
元帝時仙官下降授玉皇九錫為太元真人  
東嶽上真卿吳越司命君治天台赤城洞弟





字季偉服太極九轉丹為吳越定錄君弟字  
思和所學與中茅同為三官保命君封掌川  
源監植芝英也晉護軍長史許穆字玄一南  
嶽元君使楊君授上清諸法得道為左卿仙  
侯上清真人子名翽字道翔亦楊君授徑得  
道為侍帝晨上清真人

茅濠駕龍蕭貞驅虎

道學傳茅濠字初成即三茅君之高祖也師  
鬼谷先生以奏始皇三十一年於華山乘雲

駕龍白日昇天也蕭廉貞入遺山學道年四  
十唯餌栢葉採諸花為丸又取桑葉雜黃菁  
木煎等服年八十白髮黑落齒生常誦黃庭  
經每看帟伏在牀前欲起先以枚子驅帟如  
犬前行

馮長遇彭彭宗師杜

樓觀傳馮長字延壽周宣王辟為柱下史年  
四十一退官入道誦五千文服天門冬居終  
南山遇彭真人駕白帟降於道室授以太上



隱書以平王時昇天為西嶽真人彭宗字法  
先年二十師於杜君授丹經五千言雌一之  
道修之有應常有神燈數枝浮空照室能三  
日三夜通為一息能一氣誦五千言兩遍年  
一百五十歲厲王時昇天為太清真入杜君  
諱以字玄逸聞尹真人得道後乃居其宅舍  
二五於此修行二十餘載感展真人降於  
寢室授以仙方合而服之身生玉光周穆王  
時年一百二十歲昇天為太極真人者也

王探雲昇周亮禽舞

王探字養伯漢文帝稱為逸人時年三十六  
恒誦五千文每散金帛拯濟飢寒投財要路  
預是含生皆沾惠潤感趙真人化作狂人累  
歲求乞心無厭怠真人哀之授以神方又於  
終南遇太玄仙女授以藏景化形之術遂能  
與日月同光雲霞合變者故人謂曰聞法師  
善於變化試為一戲乎乃化身為一樹其人  
乃持斧斫又化為一石復以火燒之又化為




波水復以土壅之又化為火復以水沃之又  
化為一鳥復以網罩之又化為猛虎復以刃  
擊之又化為死人故人懼而走至數里間復  
見探如舊乃禮謝之復化為浮雲高昇莫測  
其道也周亮字太宜母孕經十五月而生年  
十九身長八尺師姚坦得道術王子晋召與  
鼓琴吹笙同遊伊洛響金振玉百禽率舞年  
一百九十周烈王時昇天

東海麻姑餘杭阿姁

事具王遠蔡經篇中

葛仙靈寶王君上清

靈寶經云葛仙公名玄年十八於天台山精  
思念道感三真人降授靈寶諸經金籙齋法  
今修齋所請三師即是此降經三真人也上  
清經云王君名褒字子登父楷為漢殿三老  
君年三十一入華山學道感西梁真人降授  
青精餅飯方後入西城山師總真王君授上  
清諸法得道為清虛真人






天師正一千吉太平

正一經云張天師諱道陵學道於蜀鶴鳴山時蜀中人鬼不彳災疾競起感太上老君降授正一盟威法以令人鬼置二十四治至今民受其福有戒鬼壇見在神仙傳干吉北海人也患癩瘡數年百藥不愈見市中有賣藥公姓帛名和因徃告之乃授以素書二卷謂曰此書不但愈疾當得長生吉受之乃太平經也行之疾愈乃於上虞釣臺鄉高峯之上演此經成一百七十卷至今有太平山干谿在焉

九鼎王長七試趙昇


神仙傳王長張天師入室弟子也天師告諸弟子爾等俗態未除其九鼎之要唯付王長也又有趙昇求為弟子天師乃以七事試之皆過遂得入室後與王長俱昇太清天中也少君委化伯道丹成


神仙傳李少君聞漢武好道故徃見之乃密




作神丹丹成謂武帝曰陛下不能絕奢侈遠  
聲色殺伐不止喜怒不除萬里有不歸之鬼  
市朝有漂血之刑神丹大藥未可得成乃託  
疾而化帝恨求少君不動也真誥云毛伯道  
妻道恭謝稚堅張兆期共合神丹丹成毛先  
服而死妻次服又死謝張見之棄丹而出迴  
顧見毛妻二人行在山上謝張悲愕告之得  
袞卷方服之皆數百歲無復昇天也

桂君養馬尹執辟兵






國立中央圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.




Vertical columns of faint Chinese text, likely bleed-through from the reverse side of the page. The text is arranged in approximately 10 columns, starting from the left edge and moving towards the center.

18111776




國家圖書館, NATIONAL CENTRAL LIBRARY, TAIWAN, R.O.C.





神仙傳桂君者徐州刺史也忽病癩醫不愈  
聞于吉得道乃導從數百人詣之吉曰子欲  
病愈乃可盡去將從駐養馬乃可桂君乃去  
官駐養馬三年並不見醫治不知病之愈也  
乃授以道術年一百九十仙去尹軌字公度  
常服黃菁花日三合世人累代見之計已千  
歲晉永康中過洛陽投宿明旦謂主人曰明  
年當有大兵死者過半與卿一丸藥帶之可  
免明年果有苻王之亂死者數萬此人獨免



NATIONAL CENTRAL LIBRARY, TAIWAN, R.O.C.



仙苑新珠

卷一

二八

郭文探席婁馮盜鷺

東晉郭文字文舉隱餘杭大辟山嘗有一席  
來欠前大張其口文知其體以手入喉中探  
去其骨也神仙傳婁馮學於覆丘子服石桂  
英中嶽石黃年三百歲尤精禁術於路逢諸  
賈客被劫賊數百圍合馮謂賊曰汝徒急散  
不爾當殺汝輩賊不聽大放弓箭射諸賈客  
馮乃唱箭皆反中賊身須臾大風拔樹飛砂  
走石天地陡暗賊衆一時頓地反手背上賊  
乃求哀乞命馮即敕天兵放之而去

孔安有志范蠡易名

神仙傳孔安常行氣服鉛丹年三百歲色赤  
童子嘗謂弟子曰吾昔事海濱漁父乃越相  
范蠡也蠡數易姓名哀我有志授我祕方五  
篇以得度世也

李根眼方子皇齒生

神仙傳李根字子元人世世見之不老壽春

山苑新珠

卷一



吳太文師之得作金銀法又能變化入水火  
致行厨太文常說根兩眼瞳子正方仙經云  
八百歲也陳子皇者年七十餘髮白齒落乃  
依方餌木斷穀三年髮盡黑齒更生年二百  
三十仙去

御妻婁景燒炭嚴青

婁景者漢文帝侍郎也從張君學道得雲母  
朱英丸方服之百三十歲如年三十人傳其  
丸與王公子年七十服之御八十妾生二十

兒日行二百里飲一斗酒年二百歲嚴青者  
會稽人家貧常在山中燒炭忽遇仙人云汝  
骨相合仙乃以一卷素書與之令以淨器盛  
之置高處薰教青服石腦法青遂以淨器盛  
書置高處便聞左右常有十數人侍之每載  
炭出此神便為引舩他人但見舩自行後斷  
穀入小霍山去

常在娶婦仲甫變形


李常在者蜀人也少學道人世世見之計已





四百歲而不老每娶婦有兒乃去去後三十  
餘年人見在地肺山更娶婦有兒後七十餘  
年又忽去人見在席壽山下依前娶婦有兒  
也李仲甫豐邑人也師王君服水土行遁甲  
能隱形年三百歲轉少壯其隱形或百日或  
一年與人相對飲食但聞其聲不見其形有  
相識人相去五百里以張羅為業一旦羅得大  
鳥視之乃仲甫也在人間三百年入西嶽仙去  
帛和視壁趙瞿降靈

帛和字仲理師董先生行氣斷穀服入又詣  
西城山師王君君謂曰大道之訣非可卒得  
吾暫往瀛洲汝於此石室中可熟視石壁久  
久當見文字見則讀之得道矣和乃視之一  
年了無所見二年信看文字三年了然見太  
清中經神丹方三皇文五圖和誦之上口王  
君迴曰子得之矣乃作神丹服半劑延年極  
以半劑作黃金五十斤救患貧病也趙瞿字  
子榮得癩病將死其家恐相傳染乃以糲食



送於溪山石室中棄之瞿晝夜涕泣百餘日  
忽見三人入石室中瞿號泣求救神人乃以  
松子松脂各五斗賜之告曰服此不但疾愈  
當得長生瞿乃服之疾愈服至二年夜間滿  
室有光如晝夜臥見面上美女二人長三寸  
至三年長大如人常在左右又聞琴瑟之音  
三百年入霍山仙去

許始門冬黃敬赤星

許始者善行氣不食服天門冬在世一百八

十六年入王屋山仙去黃敬字伯嚴學道於  
霍山思赤星在腦中如火以周一身二百餘  
年仙去

陳長祭水官嵩著經

陳長者在苧嶼山六百年每四時設祭亦不  
飲食亦無所修人看病者與祭水飲之皆愈  
也官嵩者大有文才著道書二百餘卷服雲  
母得地仙道後入苧嶼山中仙去

大寶鼓琴傳坐鑽石



真誥云周大賓有才藝善鼓琴昔教麋長生  
孫廣田獨弦子彈而成八音真奇事也得仙  
今在蓬萊為左卿昔肩傳先生少好道入嘯  
山石室中七年遇木極老君與之木鑽使穿  
一鑿石厚五尺許云此石穿便得道生乃晝  
夜鑽之積四十七年鑽盡石穿得金丹昇天  
為南嶽真人

伯微崑崙廣信小白

真誥云柱伯微者少好道常以日入時正西

北坐閉目存見崑崙山積二十一年服食學  
道存之不已又十年閉目乃見崑崙仙人授  
金液方得道也趙廣信魏時居剡小白山每  
日往長安市賣藥救人暮歸小白時人云朝  
離小白暮返長安也登真隱訣云受服氣法  
守玄中之道七十八年後合九華丹一服太  
一遣雲駕下迎在東華宮

餌木玄寶善嘯成伯

真誥云張玄寶者師西河蒯公受餌木方後





遇真人樊子明授以遯變隱景之道昔在天  
柱山今來華陽洞為理禁百主兩水也趙茂  
伯者善嘯嘯如百鳥鳴或如風激衆林或雲  
翔其上或冥霧颯合或零雨其濛矣今在洞  
中主五芝金玉草

仕文降棗王喬飛鳥

**樓觀傳**田法師名仕文年十九入道師韋君  
受三洞經法挹氣吞霞兼餌白朮每遇節值  
唐申常捧香登山朝謁嘗設醮天降棗數枚

長二寸甘美異常年七十五看幡花自空來  
迎去入南宮福堂也漢王喬者仙人也混跡  
為鄴今夜會仙府朝返蒞事人不知之忽一  
旦廳吏見雙鳧飛入廳吏以掃擊之墮地乃  
喬雙鳥也

子陽桃皮高丘金液

**真誥**云黃子陽者學道在傳落山九十餘年  
但食桃皮飲石中黃水遇司馬季主授以似  
方高丘子學道入陸景山五百二十年但讀



仙苑雜錄  
黃素道經服術合鴻丹以得地仙二百年後  
得金液一服而昇太清為中嶽真人也

來子紅泉洛下夜芝

神仙傳云肯來子服紅泉而仙洛下公服赤  
鳥夜光芝而仙

張常門冬飛孟四時

張常服天門冬仙去飛孟子服四時散俱得  
仙

邢子好犬木羽因兒

列仙傳云邢子者蜀人也好犬犬入山穴邢  
隨犬八十餘宿行數百里上出山頂有臺殿  
官府青松森然仙吏侍衛與邢符一函令送  
與城都令喬君喬發函皆魚子也池中養之  
一年皆成龍邢復隨犬往來百餘年乃上山  
不還也木羽者母常為人看產有人產子見  
母而大笑遂夜夜夢大冠素幘者守此兒云  
是司命君也當令汝子木羽得仙母果生兒  
遂名木羽忽一夜有車馬來呼木羽遂俱仙



去

馬約神降侯楷奉師

樓觀傳馬法師名儉字元約師孫君受五符  
真文三皇大字能命召萬靈制御群邪凡所  
施用立皆有驗忽降天神告曰法師宿有功  
德名在仙錄何煩所禱役使神靈法師乃秘  
諸法術抱一疑去年九十八忽有白雲從西  
北來直赴寢室弟子往看已見白雲南舉漸  
遠不知所詣侯法師名楷字法先年十四師  
陳寶熾傳受真訣謂曰爾身佩經法正宜入  
山勿失時也對曰入山雖得妙之本背師乃  
犯科之深願終侍奉年五十二方遂所修感  
靈泉吐液奇樹含烟年八十六仙去

母先禽聚陳子甯隨

母法師名始先年十一師牛先生受道朝野  
英賢咸慕其德所得信施皆訪貧老密放其  
家不告姓名又冬月常淨地一畝布撒穀米  
以救禽鳥鳥皆群聚於庭陳先生字寶熾年





二十一能琴善碁初事王法師後移華陰師  
陸景真先生以授玄祝每清晨朝禮恒有白  
虎馴其左右隨逐往來後有群席來擊樹以  
警惡人有暴席來亦擊樹時人號為考席樹  
也

梁諶入雲孫徼拂衣

梁諶字考誠年十七師鄭法師受道視地而  
行恐傷含氣有鳥獸當路常下路避之年七  
十七忽見雲氣彌林乃竦身入雲而去孫徼  
字仲宣年十八師王先生或宿空樹或坐幽  
房編寫為席時有問者但觀其顏色即知吉  
凶不必更陳言語年七十忽告弟子曰吾須  
暫行乃拂衣而出莫知所之同道思之乃取  
其葛席置靜室中每聞席邊有人語聲友人  
聞之又分其席也

王義天邱尹通人歸

王法師字道義凝神白雲之外注心丹柱之  
下重興觀宇再啟玄門精誠所致遂多洞感



曾降天邱倉庫自滿隨取隨盈終無耗竭常以施人兼營功德遠近貧病皆沾惠潤年六十三忽一旦白鹿入其庭院或隱或見由是而蛻尹通字靈鑒年二十六師馬先生受道服黃菁天門冬餌雄黃丸由是賢愚慕其至德車馬駢闐道俗揖其清風冠蓋相望荷恩之輩皆厚禮之通悉用修諸功德廣濟飢寒一無所積年一百一歲仙化常有神燈照室也

蓬萊丘公太白岐暉

**道學傳**陳尼公者蓬萊仙人也服磁母石銀蜚通千秋耳有弟子十二人皆得其方而仙度也**樓觀傳**政法師名暉字平定唐高祖初取天下法師與道士八十人有濟國之功授金紫光祿大夫已下皆授銀青後為國設醮感黃雲覆壇與香烟交合又有兩隻白鹿鳴叫而去乃謂弟子曰**仙經**云欲為仙客入太白遂與弟子登太白山頗有雲霞之志焉



奇哉伯山哀矣甥女

**神仙傳**伯山甫者入華山禁思服食不老比歸鄉里見外甥女年老多病乃與藥女服之年七十返少色如桃花漢使見一女子笞一老翁翁跪受杖使恠而問之曰此是妻子昔舅氏伯山甫與藥不肯服今年老行不如妾故笞之問年幾云妾年一百四十兒年八十矣

劉綱火焚樊妻雨止

劉綱者上虞縣令也與妻樊夫人俱得道術二人俱坐牀上綱作火燒屋從東邊起夫人作雨從西邊上火滅

聖母踰獄孔元近水

東陵聖母者杜氏妻也學劉綱術坐在立亡杜氏不信誣以姦媼告官付獄聖母入獄即從牕中飛出入雲中而去孔元者常服松脂茯苓松實年更少壯已一百七十餘歲人或飲酒請元作酒令元乃以杖柱地倒立頭向





仙苑珠璣  
下持酒到飲人不能為之也乃於水邊鑿岸  
作一穴方丈餘止其間斷穀或一月兩月而  
出後入西嶽得道也

涉正眼光王烈石髓

涉正字玄真巴東人說秦皇時事如目前常  
閉目行亦不開弟子數十年莫有見開目者  
有一弟子固請開之正乃為開目有聲如霹  
靂光如電弟子皆匍地李八百呼為四百歲  
小兒也王烈字長休邯鄲人常服黃菁并鍊

鉛年二百三十八歲有少容登山如飛少為  
書生嵇叔夜與之游烈嘗入太行山聞山裂  
聲往視之山斷數百丈有青泥出如髓取搏  
之須臾成石如熟臘之狀食之味如粳米仙  
經云神山五百歲輒一開其中有髓得服與  
天地齊畢

焦先施薪孫登穴處

焦先字孝然河東人常服白石以冬人熟如  
煮芋也日日伐薪以施與人冬常單衣有火



焚其庵坐不動火過庵盡衣不焦大雪屋多  
壞人往看之不見庵乃共抄起庵乃臥在雪  
下氣如甌中或老或少如此二百年與人別  
不知所往孫登者止山間穴地而處好彈琴  
讀易冬夏單衣天大寒但以髮自覆髮長丈  
餘或市中乞錢隨以與貧人謂嵇叔夜才優  
於逸倫識少於保身也或彈一弦琴以成音  
曲亦不知其終也

葛由綏山王真女兒

列仙傳葛由者羗人也周成王時好刻木為  
羊賣之一旦騎羊入蜀上綏山王侯貴人隨  
之不復還皆仙去神仙傳上黨王真年七十  
九學道三十年免少而色美徐行追奔馬魏  
武與相見侶三十許人以蒸丹法授郝元節  
鄉里計真已四百餘歲乃將三少妾登女几  
山去

吳酒樂巴施金陰氏

神仙傳樂巴蜀人也太守請為切曹以師事




之請試術乃平坐入壁中去壁外人叫席虎  
還乃巴也遷豫章太守有廟神能與人言語  
巴到推社稷問其衆由乃走往齊為書生太  
守以女妻之生一男巴往齊救一道符乃化  
為狸後檄巴為尚書正旦會羣臣飲酒巴乃  
含酒起望西南與之奏云臣本鄉成都市失  
火故為兩救之帝馳驛往問之云正旦失火  
食時有雨自東北來滅火兩皆作酒氣也陰  
長生者新野人聞馬明生有道乃事之執奴

僕之禮十餘年乃將入青天山中示以太清  
丹藥成服半劑與天相畢乃以半劑煮黃土  
成黃金數千斤以施天下貧病者在人間一  
百七十年色如少女著丹經九篇乃白日昇  
天也

子訓青驪琴高赤鯉

蒯子訓齊人也人莫知其道常以信讓於人  
二百餘年不老鄉里有書生到京諸朝貴欲  
一見子訓子訓皆許去京千里同時到門計





二十三家家家皆到言話如一諸朝貴欲駐  
子訓子訓乘青驪而出郊外奔馬追之常相  
去半里列仙傳琴高者趙人也善鼓琴為宋  
康王舍人行涓彭之道二百餘年後涿郡水  
中與弟子期乘赤鯉而仙去

壺公賣藥長房掾市

神仙傳壺公者不知其姓名也汝南費長房  
為市掾時見此公來賣藥藥無二價百病皆  
愈得錢數十萬隨以施貧凍者常懸一空壺

於座前日入之後乃跳入壺中入莫知見唯  
長房於樓上見之知其非常人也乃朝朝掃  
洒再拜進食公受之而不謝如此積久長房  
不怠忽一日謂長房曰待日暮更來長房如  
其言而往謂長房曰見我跳入壺汝便隨我  
入長房得入壺但見樓觀五色重門日月明  
朗侍者甚衆謂長房曰我仙人也卿可教故  
見我長房隨事三試不過謂曰子不得仙道  
也今以子為主者耳乃以一竹杖與之遣歸



如飛空到家即投於葛陂中自此為人除邪  
魅救水旱無所不應也

董奉活爨劉根見鬼

董奉字君異候官縣人時士爨為交州刺史  
死經三日奉到南中乃以三丸藥內爨口中  
食頃却活半日能坐云死時如夢中見數十  
黑衣人收入大珠門付獄入一戶中以土從  
外封之不見光明也忽聞人語云太一使者  
名士爨乃聞掘土聲引出登車而覺奉住一

年稱疾示死後往廬山種杏數萬株在人間  
百年白日昇天劉根字君安京兆人也少學  
道入嵩山石室中冬凍無衣身生絛毛長一  
二尺後潁州高太守到官人民大疫死者太  
半遣使乞除疫之術根令於太歲洩地上埋  
朱砂當時疫氣消後張使君到以根為妖遣  
人召求欲大辱之謂根曰君有道令人見鬼  
手根曰能乃請筆硯并奏版一枚書符扣案  
前鏘然作聲忽聞四五百人傳呼避道擁一



科車至廳前乃使君父母責使君不合犯神  
仙致吾困辱使君叩頭謝罪忽失所在報後  
居洞庭山毛公壇身生綠毛耳

宋倫六甲杜冲九華

樓觀傳宋倫字德玄年二十二以周厲王時  
學道誦五千文服黃菁白朮積二十年感老  
君降授靈飛六甲素奏丹符倫行之通感如  
神言無不驗望巖申步日行三千里凌波涉  
嶮不由津路年九十餘以景王時昇仙下司

嵩山杜冲字玄逸年二十五學道祈真靜神  
守一二十餘載感展真人降授九華丹方告  
曰老君與尹真人於東海八滄山召天帝集  
羣真者地司舉子之勤故敕我付爾仙方冲  
服之身生玉光以周穆王時年一百二十歲  
授書為太極真人

道憐貝菜姚坦銀花

道學傳女真人王道憐七歲知道市香油供  
養甘蔬素不衣繒綵受三洞經晝夜習誦乃





入龍山造官宇號曰玄耀有若神三壇東南  
忽生一樹狀如籠蓋周磨一壇五葉相對時  
人莫識呼為貝芎又有玉函降於壇上有光  
誦經滿萬有雲興來迎迅雷烈風香氣滿空  
也樓觀傳姚坦字元泰平陽人年十九以平  
王元年學道誦五千文有驚風崩山大張口  
終無怖懼服練松脂有神人授玄白徊形之  
道天闕三圖飛行之經坦行之目有神光開  
如飛電年二百一十歲以簡王時五月風雨

晦冥雷電激揚天雨銀花繽紛滿地受書為

玄洲真人

呂尚地髓王柱神砂

列仙傳呂尚避紂之亂隱於遼東適周釣於  
磻谿常服澤芝地髓年二百告亡葬而無尸  
唯有玉鈴六篇王柱者與道士共上宕山云  
此有丹砂可得數萬斤長吏知而封之砂飛  
出如火乃聽取之與邑令章君明餌砂三年  
得神砂飛霞服之五年飛行乃俱仙去



負局磨鏡眼閭擔瓜

列仙傳負局先生者常負磨鏡局於吳市中磨鏡每一錢與磨之又問主人有疾否輒出紫丸藥與之莫不皆愈數年後得藥活者計萬不取一錢矣人乃知仙人也後上吳山絕崖頭懸藥下與人乃語人曰吾還蓬山為汝下神水一旦崖頭有水自懸下人服多愈也服間者常止莒徃來海邊遇三仙人博瓜令擔黃白瓜數十箇教閉目良久乃在蓬萊山南方丈山上後還莒常徃取方丈山珍寶珠玉下賣不知其徃也

祝鷄聚禽玄俗下蛇

祝鷄公者洛人也居尸鄉北山下養鷄百余年鷄皆有名字千余暮棲晝放每呼即至賣鷄并子得錢千萬皆置之而去後昇吳山白鶴孔雀數百常止其傍也玄俗者自言河間人也常餌已莢賣藥都市七七九一錢治百病河間王病瘕服之下蛇十余條而愈



云俗無影王乃命於日中果無影王以女妻  
之中夜去去不知所之

陸通櫪實文賓菊花

陸通者楚狂接輿也好養性食桃櫪實遊諸  
名山蜀峨嵋山上世世見之歷數百年不知  
其終文賓者太丘鄉人也賣履為業常娶婦  
十余年輒棄之後逢故嫗年九十余告賓賓  
乃教服菊花地膚子桑寄生枳子嫗乃服之  
復少壯也

紫陽登山清靈遇道

紫陽真人周君傳云君字季通周勃七世孫  
年十六師蘇君受道遊行天下但是名山無  
不登涉得道受書為紫陽真人位列上清清  
靈真人裴君傳君字玄仁年十二遇道人支  
子元授以真訣五首按而行之五年得見日  
月之精五星降房受書為清靈真人位列上  
清

道輿得詩楊君獲東





仙苑雜記  
真誥云羊權字道輿降女仙萼綠華授詩數篇兼遺火浣布手巾金玉條脫云此女是九嶷山中羅郁也宿世有過謫在人間也九百歲矣楊君諱羲為晉簡文相府舍人弃官學道於茅山降紫微夫人九華安妃贈詩兼贈棗一枚至太元十二年乘雲駕龍白日昇天受書為侍帝晨東華上佐司命君主司吳越神民也

焦曠青禽于章白鳥

樓觀傳茅山道士焦曠字大度周武欽仰拜為帝師於華陰造宮巖間涌土用足乃盡以石甃貯油油盡而自滿每有外人來謁常看青鳥二頭來報山靈守護猛獸衛門也于法師名章字長文年七歲請讀道德經年十一師侯法師出家受三洞經法手寫天文祕符一百三十六首逆知吉凶年八十二而蛻臨窆之際有白鳥一隻騰空而翥也

靈壽少壯東郭光明



神仙傳靈壽先者扶風人也年七十得朱英  
丸方令服之轉更少壯如年二十時至建安  
元年已二百二十歲矣一東郭延年者山陽  
人也服靈飛散能夜書在暗室中身生光明  
照耀左右又能見數十里內小物知其所在  
鄉里四百余歲不老一旦有數十人乘虎豹  
來迎昇崑崙也

李意萬里王興健行

李意期者蜀人也人有遠行欲速到者以符

與之并書其人兩腋下則千里萬里不盡日  
而還王興者陽城人也並不知書亦不知  
學道漢武帝登嵩高山見一人長二丈許耳  
垂至肩帝問之曰吾九竄人也聞中嶽有高  
蒲一寸九節可以長生故採之忽失所在帝  
與羣臣皆服之不能動久唯王興聞而服之  
不怠至魏武帝時猶在常如五十許人甚健  
行日三百里不知他道

順興真降法樂雲生



樓觀傳 李先生字順興京兆人年九歲知道  
師陳先生備受道要既得真訣遂奉經入南  
山太平谷修行忽有雲車羽蓋翳天而下見  
三大仙授金真玉光經七變舞天經行之年  
十七道成年三十八昇仙張先生字法樂南  
陽人卅歲師尹法師真文寶訣咸得付受傳  
受之夕乃感神燈慶雲之瑞自此精思凡經  
三十余載以其雲生採棟故時人號為雲居  
觀焉

佯死董仲還鄉倩平

董仲君者臨淮人也服氣鍊形二百餘歲不  
老曾被誣繫獄乃佯死須臾虫出獄吏乃昇  
出之忽失所在 倩平者沛人也漢高衛卒  
也得道至光武時不老後託形尸解百餘年  
却還鄉里

仲都耐熱程妻致緡

王仲都者漢中人也漢元帝常以盛暑時暴  
之繞以十余爐火而不熱亦無汗凝冬之月





令仲都單衣無寒色身上氣蒸如炊後不知  
所在 程偉妻者能通神變化偉當從駕無  
時衣甚憂妻乃置繒兩疋從空而至偉前偉  
好作黃白經年不成妻乃出囊中藥少許投  
之良頃永乃成銀

飛散元綱玄素容成

婁元綱服靈飛散得道容成公行玄素之道  
延壽無極

張桑雄黃巢許桂英

桑子林張虛並服雄黃巢父許由並服石柱  
英得道

郝容鹿角秀眉茂卷

神仙傳郝容公服鹿角秀眉公餌茯苓得仙  
商丘桃膠青烏九精

商丘公服桃膠青烏公服九精散成仙

女生鹿白君達牛青

魯女生長樂人服胡麻餌朮八十年日行三  
百里走過麋鹿故人與女生相別五十年於



華山廟遇鬼女生乘白鹿授玉女數十人也  
封君達者隴西人也服黃菁蕪服鉢銀百  
年還鄉如年三十許人常騎青牛人不知姓  
氏故號為青牛道士也在世二百年乃入玄  
丘山得道也


烏婁竹汁白兔黃菁

烏婁公服竹汁白兔公服黃菁而俱得道

嚴達聽琴國珍振屋

樓觀傳嚴法師名達字通通扶風人也師侯

法師年十二日誦萬言年二十備參經法以  
隋開皇初重修宮宇度道士滿一百二十員  
至大業五年三月七日坐聽禪琴乃曰音韻  
入神乃有神降可更奏一曲曲味終奄然而  
蛻時年九十五也 巨法師名國珍武功人  
年三十捨家入道師游法師徭受道要自爾  
一味蔬餐幽居帶索飢無貪味寒不思衣口  
常誦經心恒守一年六十弟子侍側忽聞車  
馬之聲不見人物屋宇大振奄然而蛻也



張皓雲鶴尹澄猿鹿

仙苑新珠

二五

張皓字文明汝南人年二十以漢安永初二  
年入道乃遇封衡真人三試皆過遂授青腰  
紫書并神丹半兩入赤城山動修其道道成  
或變為白鶴搏空而上或化為飛雲浮遊八  
外年一百三十八以魏明帝太和元年九月  
仙官下迎受書為太清高仙矣 又尹澄字  
初默沔陰人年二十八恒市香燈列於壇靜  
一旦香盡靈熏自生油盡玄光自照曾入山  
遇鹿傷足乃為合藥與封後入山遭滯兩絕  
食忽有羣鹿相依飢則吮其乳寒則臥其身  
累日得返又入山遇野火飛颺滿谷欲避無  
路有羣猿連臂而下攜至山頂又入山遇石  
芝有光服方寸已乃日行六七百里又入山  
遇仙人宋君授三皇文九丹訣年三百四十  
歲以漢昭帝時仙官下迎受書為太清仙人  
稷丘進諫武帝還宮

稷丘進諫武帝還宮

列仙傳稷丘君者太山道士也漢武帝時以






道術受賞結令髮白返黑齒落更生還卸後  
遇武帝東巡太山稷君乃冠章甫擁琴出迎  
武帝諫曰勿上山山上必傷足帝不聽果傷足  
指而還

鹿皮閣險鈎翼棺空

鹿皮公者少為府小吏木巧能舉手成器岑  
山上有神泉不能至遂白府君請木工斤斧  
三十人作轉輪懸閣梯道四間遂止其巔餌  
芝飲神泉後菑水汎漲人得以免 鈎翼夫  
人者齊人姓趙右手常拳不展漢武收之其  
手乃展得一玉鈎遂生胎帝後武帝害之胎  
帝更葬棺空唯履在焉

谷春却活山圖絕蹤

谷春者櫟陽人也成帝為郎託病而亡其尸  
不寒家人不敢下釘三筆却更冠幘坐縣門  
樓上邑人大驚開棺看衣無尸也駐門上三  
日而去 山圖者隴西人也因乘馬蹋折脚  
遇道士教服地黃當歸菴活獨活苦參散一



年而愈乃隨道士採藥去十年一歸家復去  
莫知所之

壺丘雙水禦寇馭風

列子云壺丘子林者列子之師也鄭君神巫  
知人吉凶存亡壽夭如神列子引見壺子壺  
子示以波水三變不能測而走 列子者鄭  
人也名禦寇得風仙之道乘風而行旬有五  
日而一返受號冲虛真人

馮夷河伯文子漁翁

馮夷者華陰人也服水玉得水仙之道為河  
伯也 文子者周平王時人老君弟子也著  
書十二篇汎三江五湖號魚父即屈原所遇  
者受號通玄真人

莊周鯤化桑楚年豐

莊周字子休宋人著書三十三篇其首云北  
溟鯤魚不知幾千里化為鵬翼若垂天之  
雲擊水三千里一舉九萬里至于南溟也受  
號南華真人 庚桑子名楚老君弟子居



羽山三年俗無疵癘而仍穀熟也受號洞靈真人

昌容紫草安期赤烏


列仙傳昌容者常山道人也往來上下人見者二百餘年而顏色如二十許人能致紫草賣與藥家得錢以遺孤老也安期先生者琅琊人也賣藥於東海邊人皆言千歲翁秦始皇東巡見之與語三日三夜賜金璧千萬出皆置之而去駐書并赤玉烏一量為報曰

後年求我于蓬萊山也

馬丹迴風修羊化石

馬丹者晉耿人也父侯時為大夫獻公滅耿丹入趙至宣子時乘安車入晉靈公欲仕之逼不以禮有迅風發屋丹入迴風中去也

修羊公者魏人也止華陰石室中臥石塌上石穿陷而不食時餌黃菁以道干景帝帝禮之數歲道不可得者詔問何日發語未訖狀上化為白石羊題其脅曰修羊公乃置於通






陵臺復失所在

赤須知災崔文除疫

赤須子者豐人也人世世見之數言豐界均  
災害水旱千不失一好食松實天門冬石脂  
齒落更生髮落更出後往吳山下不知所之  
崔子父者太山人也好道賣藥都市自三百  
年後有疫氣民死者萬計長吏有所請文乃  
擁朱幡繫黃散藥以救民飲者即愈所愈萬  
計後去蜀賣黃藥如初

神魚子英巨蘭園客

子英者舒鄉人善入水捕魚得一赤鯉愛其  
異乃將歸池中以食餒之一年長丈餘生角  
有翅翼子英遂拜之魚言我來迎汝遂大雨  
子英上魚背昇騰而去園客者濟陰人也  
常種五色香草積十數年食其實一旦有五  
色蛾止其草上客以布薦之生桑蠶烏至蠶  
時有女夜至自稱客妻與客養蠶得一百二  
十箇繭如瓮大每繅一繭六十日始盡訖則



俱去莫知所之故濟陰人蠶時世世祠之

赤將花紅印乳白

赤將子輿者黃帝時人不食五穀而噉百草

花至堯時為木工能隨風雨上下印疏者

周封史也德行氣練形者石髓而服之謂之

石鍾乳數百年入少室山中

親葛鮑靚祐蘇幼伯

道學傳鮑靚乃葛洪妻父於羅浮山俱得道

列仙傳幼伯子者蘇氏客也冬常單衣夏常

綿袴年多益壯時人莫知世世來祐蘇氏子

孫得其福力也

展公白李姜茂五辛

真誥曰高辛時有仙人展上公者於伏龍


植李彌滿林谷今為九宮右保司常言云昔

在華陽食白李異姜憶之未久忽已三千年

已巴陵侯姜叔茂者又於山下種五果并五

辛菜叔茂以蔡孝王時封侯今名此地為

巴者因此也此人今在蓬萊為左卿



許遜拔宅時荷登晨

十二真君傳許君名遜字敬之為蜀旌陽縣令師謀母受孝道明王法與吳君於鍾陵洞斬蛟蜃以晉永康二年八月十五日四十二人拔宅昇天時君名荷字道揚四明山道士也許君昇天時特龍節奔驅于雲路吳猛白鹿甘戰彩鱗

吳君名猛字世雲晉永嘉三年九月十五日乘白鹿與弟子四人一時昇天甘君名戰

平三年二月清晨有二青童乘紫雲下迎云上帝召謝沖寂乃乘雲而去侯道華者中條山道靜院道士也師事鄧天師天師藥成而疑不敢服道華竊而服之以大中五年五月寅時上昇具在唐記

可交登舟歸真畫鵲

王可交者華亭縣人也眼有神光夜行如晝乃灸眉後小空中而光斲以咸通十年十一月一日與隣人同出顧會草市河次見一艘





舫子有童子喚云王五叔要見乃下船中見  
二三道士對茶云可惜一具仙骨爰破却也  
乃與粟子一箇喫一半味如棗云且上岸去  
更十年後與子相見足終踏岸乃在天台山  
下瀑布寺前問時日已是十一月二十七日  
屬歸真者天台縣人也性嗜酒冬夏常衣  
單衣妙于水墨見屋壁即畫鵲時人不知其  
得道也以天祐三年十一月于河中府中條  
山白日冲天告時人曰吾本台州唐興縣人  
字伯武許君弟子長持齋戒尤上符術偏得  
許君之道以陳天建元年正月七日乘綵麟  
之車白日昇天

持幢周廣執羽陳勳

周君名廣字惠常事許君執僮僕之禮元康  
中執麾幢前引許君歸舊宅即遊惟觀也  
陳君名勳字孝舉慕許君之道託為旌陽縣  
吏因得師于許君為入室弟子許君按宅日  
執羽旌導于前



曾亨骨秀肝烈藥神

曾君名亨字國興孫登常指云此人骨秀可  
學昇天遂事許君至許君昇天日從車駕而  
昇舊宅為真陽觀也 肝君名烈字道微早  
孤從母依於許君許君上昇時肝君母子悲  
惟乞得隨駕許君乃與神藥因得隨駕都署  
合宅四十二人為

施峯委付彭抗親姻

施君名峯字大玉小字道乙常從許君除滅

妖魅許君凡有經典悉皆委付許君昇天後  
忽一日見東方日中童子執素書飛下云真  
君名汝乃隨童子簞身入空 彭君名抗永  
康中棄官事許君君以長女妻之永和二年  
八月十五日全家二十六人白日上昇舊宅  
為宋華觀

黃輔龍騎鍾嘉碧輪

黃君名輔字邕晉陵人許君知輔之異遂以  
次女妻之傳付妙道後為青州從事每夜常




婁慶雲舉韋儁龍躍

乘龍歸眷屬伺之乃一竹杖耳後乃沖天宅  
為祈仙觀 鍾君名嘉字超本許君仲妹之  
子少孤得仙舅之要許君上昇後以十月十  
五日日中乘碧霞之輦而昇宅為丹陵觀十  
二真君事盡于此

靈驗傳云婁善慶常賣赤白二藥不言其價  
有疾皆愈得金帛以施孤貧武德中於西蜀  
市中足下聖生曰日輕舉 韋善儁亦賣藥  
愈疾於人間常將以黑犬和隨以刻天如意  
革中過嵩嶽少林寺請齋飯餽犬僧怒善儁  
乃舍水一啜犬化為黑龍乘以沖天  
洞玄騰身道合蛻殼

女真邊洞玄年八十忽一旦髮白反黑齒落  
更生以開元二十七年於異州紫雲宮乘彩  
雲白日沖天 婁道合尸解于并州太一宮  
腦後有垢身如蟬蛻也

法善月宮果老北嶽





葉天師名法善字太素引唐玄宗遊月宮夢  
嵩有賦張果老開元二十二年春自恒州微  
到賜號通玄先生授銀青光祿大夫秋請入  
恒州錫賜衣服雜彩放還北嶽其神通變化  
不可備陳云九度見黃河清飲酒數斛而不  
知醉也

沖寂焚香道華偷藥

謝沖寂者華嶽道士也志好焚香增至三百  
鑪旦夕不闕無香多以松栢子代之以梁開





